



WSBAK Mission Centre
Aküvüto, Thahekhu Village- 797118
Dimapur, Nagaland: India

Volume 01 | Issue No. 04
September 2022

DEPARTMENT OF MISSION & EVANGELISM SÜTSA

REV. TOVISHE SEMA
SECRETARY, DOME WSBANK

Kulolau Sümiqo ghenguno Alhou no ayeghi ghüma kivi, aki alu kivi eno kükümgha jeli kutomo kümghatsü keu likhi kumono aghungu kükülo, Pa no tushoqhi püa keu akükülo kithe michelupe keu vecheo küpülmüqo no ashiaye kütami lau atsa kiviu veküphani ipi xakütha shilu. Eno 1993 Iono huthuno ishi kutolo, Ampeu Alhou küpüghü vecheo WSBAK no puwu keu kümlä mlà ighi keu lo apaqa mlà ighilu ani.

Khunoqo no akükülo kütülo shi mlà hughü keno panongu shikimthi. Ampe 29 mlà hughü keulo akukuhou kutomo pekholuva eno khashi, 2022 loghi alaghi kutomo Iono pekukho kümlä mlà ighilu ani. Ampeu Alhou no sasü hughü keu ye kihikhamla ikemu hami akhotoqo yelu ani.

1. APHUGHIQO LO KUPOSHUKULU MEKÜA

Ishi akoaqha kümctsü shikupsa no chhitoi akeulo, ni kukuhou ye akhoto no niti-anuli inaghamsi phulo akeqo ghenguno akükümsü shimasa ani. Akiqheu Iono atüghümiqo shikimthi, ni WSBAK qholono Sümi Christian Fellowship Delhi eno Shillong lo aghi keu vecheo ni Sümi kiphimi Ilohemni kutomo no alhokusa launo sükusho ithulu ani.

Khashi Shillong Sümi Christian Fellowship lo, Ilohemni pano 50-60 sasü atsala kütülo Bible phukutho eno ahoho kivi shilu. Ilohemni kutomo no ala shilu kepi aküpülo shi ani, eno titoi itaghi ningi ye aphughi kije-je lo kutomo mlà kepu akeu ithulu ani.

2. ANGU AGHA KÜMLÄ

WSBAK no puwu akeu luche kutomo akeu lo akümlämiqo Licence nguagha kühano mlà akhani. Tighenguno khashi mpe lo moayesa keu hipau ithulu keu vecheo hiyam no aküpüghü shino, Rev. Dr. Phughoto Sema, ES gholo WSBAK qholo Reverend mi 7 iqho West Kameng Mission Field, Arunachal lo, Pastor eno Association lo mlà akemi pano 5 Licence nguagha tsülu.

3. LHOHESI QOKIPHE

2022 mpe lo aluche akithe huthuni ipi akighini gholono, Arunachal Iono Burma lughilo ilo Alhou tsa veküphani ipi keu kükümsü shilu keulo, aghola hami akithe shi moayesa keu ghenguno Ilohemni akighithi vecheo qopheni keu ki (Hostel ministry) khaqhini ipi küptsa xathano pekithi ani.

4. MISSION DEPARTMENT LOKIVI SÜTSA

Khashi 2022 mpeye ni WSBAK Mission phaghenguno ighono mgha keu shi ani. WSBAK qholo missionary totimi kini akimthe külakupu shilu ani: Inoli Olivia Awomi, Lotovi ghami (Head Ms, KMES Lalpahar) no Amüthaqhi 9, 2022 Iono akimthe külakupu shiluva eno, Ili Eliho Yepheth, Hekheshe ghami (Missionary, Nagamese Baptist Fellowship ZhUikhü) Ghileqhi 14, 2022 Iono akimthe külakupu shiniye kutope ani. Kümtsü no pama kibo ghenguno inikhu tsüalo.

5. AGİZÜLO AKÜPÜGHÜ AKEU

Itehi, Mission Dept. ghenguno agizülo aküpüghü akeu hipaqo ghenguno o kighini avehupu shi ani;

1. Kothalguri; Assam lo Ghileqhi 14–16, 2022 kutolo, Mission Field Revival küpüghü kuho niye kutope ngo ani.
2. Ahunaqhi lo Delhi Sümi Kiphimiqo sasü Bible Study ani.

6. SHIKIMTHI KEU

Khashi, Ghixuqhi lo, amülhü kuloghi ighi keu vecheo, KMES Lalpahar kiphiki eno Teachers quarter fuleve tsü. Ikemu Mission Board Memberqo no ghüka asale 2 shou kütüqha no shiqheve tsüa. Akiqheu Iono Memberqo shikimthi. Alhou no panongu sakiphe eno akibo kükü kümghatsü peni.

WSBAK MUSIC SUNDAY 2022

Ghileqhi 09, 2022

ATSATO: I NGULHO NO AMPEU SHEQHENI (Leshe 103: 1-5)

Khristomiqo no Alhou sheqhe eno shipili chekeu ye kiumu akithe kumoe ikemu khanilo ningu ye azükütüü ashilo khuaye gholau no shekiqhe eno shikipili süchedo puwove acheni. Ikemu Bible no pikeu ye, ningu no Alhou sheqhe eno shipili keu ye akiqi ano ni ngulho Iono Pa sheqhe eno shipili moayesa. Ningu ye kiu ghenguno Ampeu Alhou sheqhe eno shipili moayesa keno akiqi hami Leshe 103: 1-5 lo ithu ani:

1. Pano ningu **kikimiye ke ghenguno** (vs. 2)
2. Pano ningu **xiné qhitsü ke ghenguno** (vs.3)
3. Pano ningu **küsükini shipivitsü ke ghenguno** (vs. 3)
4. Pano **akumoki/akithi launo ningu xaphetsü ke ghenguno** (vs.4)
5. Pano **akivi thime kutomo ningu kükülo süküphatsü ke ghenguno** (vs.5)
6. Pano **akumto pesü ningu tsüke ghenguno** (vs.5)

Alhou tsa gholo no kukuhou lo küpülümi dolo khami Alhou no agho kivi tsükemi aghi aye aküpüghü lo pekithi sütsüno akimchishi puthugho no Alhou sheqhelupe kepu.

1. **Alekiphe Iono**
2. **Alebo küigha keu Iono**
3. **Ashekushu Iono**
4. **Leshele / alejo keu Iono**
5. **Khami ye Alhou no ale vecheo kulu keu aküxü shepe tsülupe no timi hakutholu pelo.**
6. **Music Sunday je Iono ale kithe lakhi iqí (compose) no akukuhomi sasü ahukülüshi phelu aye alonani.**
7. **Ahoho shekha lo Choir no momu akukuhomi aqoshi Amen le pheno ixawoluke alo. (Amen le Akukuhou Lekaku akikihi 451 eno 452 lo ani)**

AKIGHINI KIMJIQO:

1. Ni yeghqha eno ni kukuhou lo Alhou le kighithimi akighichemi kutomo ipeghilu penike.
2. Department of Church Music Ministry, WSBAK lo staffqo ghenguno
3. Aküvüto Music Institute (AMI) lo kiphimiqo eno shikükamiqo ghenguno
4. Naga Institute for Music & Folk Arts (NIMFA) tigheli kimji Aküvüto lo khaqhi niye akeu ghenguno
5. Akukuhou lo Music Directorqo / ale sakiphemiqo ghenguno
6. Akukuhou lo Choirqo ghenguno
7. WSBAK Centre lo eno Akukuhouqo lo Ale sakiphemi sponsorship shitsü akemi kiboqo ghenguno.

AKÜPÜGHÜ KIKITHI HITOI SHINO KUHOLU NANI

1. **Ashethule (Prelude):** Aghokütsümi aghi aye küigha momu Choir no süniyi alephe no timi mlo piqepütsülu tsüno ahoho huthulu nani.
2. **Akümlá lo kuküsü (Call to worship):** Sakipheu no Alhou tsa Leshele 103: 1 lo phisü no akümlá lo kuküsü shino timi lakhi momu aqono akighini shini.
3. **Hukuthu le aqono:** Akikihi 47 (*I ngulho Jehovah shelo*) lo pheni.
4. **Alokivi kuküsü eno kilekithi jeli do:**
5. **Akimchile:** Milakhi/kini/alekiphe mqo/Choir no pheni.
6. **Akighini:** akimjilo tsüpe püakeqo ghenguno inikhuni
7. **Akighini shitave kelo ale** “*O Ampeu, Ni kighini chilu tsülo*” (Akikihi 450) ipi keu pheni.
8. **Akümlágho:** Ale Akikihi 269-272 dolo kisheno phelu nani
9. **Shekiqhe le:** Leshele/lejole/Alebo küigha Alhou sheqheni
10. **Aküxü shepe:** Ale Iono Alhou no kulu kemi lakhi momu tinguno alau ghi pekithiluvi.
11. **Pulpit Hymn:** Bethel Lo Idewoni (Akikihi 130)
12. **Baibel phisüni:** Leshele 103: 1-5
13. **Alhou shepe:** Akimiji: “*I ngulo no Ampeu sheqheni*”
14. **Kishekha le:** “*Jisü shou pükhübeni*” (Akikihi 193)
15. **AMEN le:** Akikihi 451 momu 452 lo pheno ahoho ixani.
16. **Alebo küigha momu süniyi ale pheghi akukuhomi kinipuwoni.**




SÜMI LE KAKU TSÜGHÜPHENIYE AKEU SÜTSA

SBC vecheo Sümi Le kaku (Hymn Book) je niye ani shi anike ghenguno pithitsa hamı akukuhou kümtsü lau pithive tsü ani.

1. Sümi Ale Kaku (Hymn Book) ye Ghüka 370/- Iono je niye shi ani.
2. WSBAK bocholo Akukuhou ghenguno WSBAK Hiyam Iono pekithi tsüniye shi ani.
3. Akukuhou no Ale Kaku khijehi luniye ani keno tipau qhemli likhi tsüghüphe niye shi ani.
4. Akukuhumiqo sasü kileküghü shino Ale Kaku khijehi luni keno tipau kiqi Iono Akukuhouw akiye pa (Church letter pad) Iono Ale Kaku khijehi luni eno Ale Kaku lakhilo Ghüka 370/- pesü kighithe WSBAK Hiyam lo süvetsü penike pithi ani.



KIPTIMI



"Ampeu no hikutolo ni kuphutsuke"

1 Samuel 7:12

LIPHIQHI 10-11, 2022

NAGA CHRISTIAN FELLOWSHIP SHILLONG



Department of Mission & Evangelism, WSBAK vechewono Bible Study kūpūghü Shillong lo Amüthaqhi 10–11, 2022 dolo tsülu keu jutho.

SÜMI CHRISTIAN FELLOWSHIP SHILLONG



WSBAK PRESS & PUBLICATIONS
Creative Designing & Printing Solutions

PRINTING

- Digital Printing
- Offset Printing
- Multi - Colour
- Screen Printing
- Flex | Vinyl | Sticker
- Flag | T-Shirt | Mugs Printing

DESIGNING

- Souvenir | Magazine | Leaflet | Brochure
- Calendar | Certificate | Visiting Card
- Wedding Cards | Banner | Poster
- Photo & Photo Frame | Stamp | Register
- Memento | All Kinds of Bindings

Fast & Quality Service
Reasonable Rate
Timely Delivery

8787826340/03862-357565
wsbak.press@gmail.com

Gilgal-Ki, Anwar Hussain Road
Near Hillstar Cinema Hall, Dimapur : Nagaland

Tsalatsa abaghu phuphela aye pevelo,
ikemu kiu akughupu ameshoyi keno ti kütülulo;
Akughupu thime abaghu no küzüpe aghi aye
mthano pevelunosa,
kughengu khunomu akoza alomoke ghenguno
alou athi akeu ghi pevechemoi.

John Bunyan -

**SÜTSÀ LO³ AKÜKÜMSÜ
K. VIKIHO SÜMI KÜPHAKÜTSÜ**

SÜTSÀ LO KIYETHI “Ü” KHILENO PEITHA NANI KEA?

(Timi kutomo no ‘Ü’ ngo ‘U’ sükübangü keu acheni
tighenguno ikhonhei keu lono khileno ‘Ü’ peitha nani keno pitsü ani,
hipathiu yekiphe lono khileno ‘U’ peitha cheni keno pitsü nani)

Kiyethi ‘Ü’ ngo ‘U’ dolo ithikütüta shiluni keu ye
akipi ghola lono kimchipheluve nani.
Tiye akuqhu lono aghüha vephe akeu
eno atsa piphe kelo amtsü hobo keu hobo mokeu lono ithikütüta shiluve nani.

Akughukhou lono, ‘U’ pi kelo amtsü hobo no azüü chhophe cheni
ikemu ‘Ü’ pikelo ye amtsü hobo chemo momu amtsü azüümü chhophe chemo.
Hipau kiqi lono akiyé lo ‘U’ momu ‘Ü’ peitha kepudo ighi kelo
pütüta no pipheju/kiqiqi no achipiu kiyethi peithaluve aye alo,
ikemu kutokupui moayesa kepu lakhi akeu ye
o likhi o vilo hi ighiju paghilo
“ni ye Sütsà akivishi piküqhüli chenima?”

“Nono kíshi pi cheni keno ti toi yè nani, nono kíshi yè cheni keno ti toi pi nani”
itehi pütüta vethakulu kiqi lono ‘Ü’ peitha akeu ye
atsa akivishi piküqhü mlakeu lonoke.
Hi ghenguno atsa pipuku eno pipiqi akeu
atsahi tsaqütsalei shi ithi moayesa (shikalu moayesa) keu ighono akhoto.

Atsa akivishi piküqhü luni keu hila/ghola ani,
tiye agino agi kinheqhe no pikeu no akivishi vethalu/shikalu nani
ikemu akiye lo ye aghüha/asütsa shikave mlae,
akiye lo ye ilo thonhei shi pikulupu mghüve ani
tighenguno ikhonhei keu eno akümláu lono
khileno ‘Ü’ peitha nani keno pitsü ani.

1.

Kiyethi S eno Z shelo/thiu ye khilemu U peitha chemo
Ikemu **S eno Z shelo/thiu ye alhokuthu lo Ü peitha nani.**

✓ Sümi ✗ Sumi ✓ Züsche ✗ Zushe

2.

Kiyethi Ü shelo/thiu ye Tsalho (*Vowel*) no papelu cheni
kemu **Tsalho shelo/thiu ye khilemu Ü peitha chemo momu ‘Ü’ pimu yekishe chemo.**

✓ Peithakütsü ✗ Peithakütsü ✗ Peithakütsü
✓ Akiniu ✗ Akiniu ✓ Aküthü ✗ Aküthü

Kiyethi küttau lo ghí peitha chekeu ghola kutomo ani
ikemu kunguu amqo kini lono pive keu hiküma nono ithitoi luve aye
o kiyé phiphe keu lo mtsümishei keu alau anani.

AGIZÜLO KÜPÜGHÜ

- | | |
|----------------------|---|
| 04-06.10.2022 | WSBAK Children Festival, Chekiye VBC |
| 09.10.2022 | Music Sunday (DoCMM) |
| 11.10.2022 | WSBAK Akithe Süküsü Themile |
| 29-30.10.2022 | SBC Mpeka Hoho, Unity Village SBA |
| 06.11.2022 | World Sunday School Day, DoCEM |